



საქართველოს მთავრობის

განკარგულება

№59 2014 წლის 16 იანვარი ქ.თბილისი

შპს „გუდაურის განვითარების სააგენტოს“

მიერ სახელმწიფო შესყიდვების გამარტივებული შესყიდვის საშუალებით
განხორციელების შესახებ

1. „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად განხორციელების მიზნით, შპს „გუდაურის განვითარების სააგენტომ“ 2013-2014 წლების სახელმწიფო ბიუჯეტებიდან შპს „გუდაურის განვითარების სააგენტოსათვის“ გამოყოფილ ასიგნებათა ფარგლებში და საკუთარი შემოსავლებით, გამარტივებული შესყიდვის საშუალებით განხორციელოს შემდეგი საქონლისა და მომსახურების შესყიდვა:

ა) გუდაურში არსებული საბაგიროებისა და გონდოლას გამართული მუშაობისათვის საჭირო სათადარიგო ნაწილების, ტექნიკური მომსახურებისა და ტექნიკური დათვალიერების შესყიდვა;

ბ) საბაგიროების გამშვები სისტემის სათადარიგო ნაწილების, პროგრამული პაკეტების, ბილეთების დამზადებისა და ტექნიკური მომსახურების შესყიდვა;

გ) თოვლსატკეპნი მანქანისა (სპეცტექნიკა) და მისთვის საჭირო სათადარიგო ნაწილების, აგრეთვე მისი ტექნიკური მომსახურების, გამართვისა და ექსპლუატაციის მომსახურების შესყიდვა.

2. „სახელმწიფო შესყიდვების შესახებ“ საქართველოს კანონის 21-ე მუხლის მე-4 პუნქტისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-19 მუხლის მე-12 პუნქტის შესაბამისად, ამ განკარგულების პირველი პუნქტით გათვალისწინებულ შესყიდვასთან დაკავშირებით გასაფორმებელი ხელშეკრულებების მიმართ არ გავრცელდეს აღნიშნული ბრძანებით დამტკიცებული წესის მე-19 მუხლის მე-7 პუნქტით დადგენილი მოთხოვნები.

პრემიერ-მინისტრი



ირაკლი ღარიბაშვილი

საქართველოს მთავრობის და
გუდაურის განვითარების სააგენტოს
შემოსულის № 1222/05
21.1.2014 წ.
45 შპს-სათვის

1